

МАЛЧЫННАРНЫҢ ЧАЙЛАГ БАЙЫРЛАЛЫ



2004 чылдын июль 31-де чурумалдыг Устүү-Ишкинниң Чайлаг-Шөлүгө малчыннарның чайлаг байырлалы онзагай байдалга болуп эрткен. Орук-чирин чежемейниң-даа ырак-узак, кадыр-берт, суг-чарлыг, малгаш-баларлыг-даа бол, аңаа чыылган чон хөй-ле болган. Шынап-ла, кижки бажы кизирт, аът бажы козурт деп-даа болур.

Устүү-Ишкинге шаг-шаандан амыдырап-чурттап чораан ада-өгбелерниң салгалдары хөй болбайн аан. Кымга-даа төрөөн чери эргим, төрөл чону утун-

дурбас. Үр үеде көрүшпээннер көржүп, ужурашпааннар ужура-жып, анык-өскөн таньжып, хөө-режип, сагыш-сеткилин ажыт-чып шаг-ла болганнар. Чайлаг-

Шөлдерниң каас, чаражын кижки кайгаар. Суггур чаъс соонда агаарның тынжы кайгамчык-ла чаагай, аянныг-ла чорду.

Байырлалды Кызыл-Тайга сумузунуң чагырга даргазы Лидия Олчамаевна Ондар ажыт-каш, сөстү Сүт-Хөл кожуунуң баштыңы Иван Шыванович Монгушка берген. Дарга чыгып келген чонга байыр чедиргеш, кожуунуң көдээ ажыл-агый талазы-биле чедип алган чамдык чедишкиннеринге доктааган: бода мал 8827, шээр мал 102544, чылгы 2035, хаван 11622 баш чедип, республикада мал-маган талазы-биле бедик көргүзүг-лерлиг кожууннарның санынга кирип турарын дыңнаткан. Кожуун девискээринде үнүп турар тарааның, картофель, ногааның хоомай эвес дүжүдүнүң магадылалы тургустунуп турар.

Устүү-Ишкинниң, Бүүректиниң, Көжээниң малчыннары, арааттары ада-өгбелериниң оран-чуртун төлептиг ээлеп, ниитиниң-даа, хуузунуң-даа мал-маганы-ның баш санын онча-менди камгалап ап, төрүүр малдан чаш төл алып план, хүлээлгелерин күүседип чоруурунга кожуун баштыңы таарзынганын илереткен. Көшкендейлерниң, Анай-оолдарның, Чадамааларның, Бойдааларның, Дембирелдерниң болгаш оон-даа ескелерниң ажы-төлү, салгалдары мал ажыл-агыйын тудуп, ону хөгжүдүп, анык-өскөнгө үлегер-чижээн көргүзүп чоруурунга чоргаар-ланып чоруурун дарга чугаалаан.

Сөөлгү чылдарда Устүү-Ишкинден элээн хөй алдар-аттыг малчыннар үнгүлээн. ТР-ниң алдарлыг малчыны, 76 харлыг Эзер-оол Ооржак Көжээ деп чайлаанда мал-маган тудуп, анык малчыннарга арга-сүмезин берип чоруур. Оруктуг-Ой-Аксында чайлаглап оран Хүлер-оол Ондар 20 чыл иштинде өшкү кадарып келген. Амгы үеде хуу мал-маганын тудуп турар. "Салгал" кооперативтиң малчыны Туран-оол Ондар — Тыва Республиканың алдарлыг малчыны. Юбилейлиг чылда 100 төрүүр өшкүгө онааштыр 100 анайны камгалап алган. Оон-даа өске мурнакчыларны адап болур. Устүү-Ишкин чурттуг, ам-даа амыдырап-чурттап чоруур 96 харлыг Монгуш Хорлуу Конзай-

Чайлаг-Шөлүгө репортаж

овнаның оглу Бориске кожуун баштыңы И.Ш.Монгуш кооперативтиң ажыл-агыйын бут кырынга тургузар талазы-биле даалганы байырлал үезинде берген.

Дарга Устүү-Ишкинниң, Бүүректиниң, Көжээниң мурнакчы малчыннарынга, хөй чылдарда кожуунуң социал-экономиктиг хөгжүлдө сайзыралынга улуг үлүг-хуузун кириштирип келген хоочуннарга кожуун чагырганың хүндүлел, юбилейлиг, өөрүп четтиришкинин илереткен бижиктерин, сүй белектерин тывыскан.

Дарганың соон дарый көдээ ажыл-агый, саң-хөө, күш-ажыл, социал хөгжүлдө эргелелдериниң, иштики херектер, өөредилге, культура килдистериниң, кижки, мал эмнелгелериниң, сумулар чагыргаларының төлээлери Устүү-Ишкинниң малчыннарынга, хоочуннарга сүй белектерни тыпсып бергеннер.

ТР-ниң Бойдус курлавырлар эргелелиниң начальниги О.С. Доржу чагыс чер-чурттугла-рынга сагыш-сеткилин ханы-зындан бодунуң байырын чедир-ип, ада-өгбелериниң ыдыктыг оран-чуртун төлептиг эдилеп чурттаарын, ооң аң-медин, балык-байлаан карак огу дег камгалап хумагалаарын төрөл чонунга чагып сургаан. Ол ышкаш Олег Сергеевич Устүү-Ишкинге Кызыл-Тайга сумузунуң арбанын тургузарын база сүмөлээ.

Ол ышкаш Устүү-Ишкинниң хоочун чурттакчыларынга, малчыннарынга эргелелиниң база бодунуң өмүнээзинден турса-каалдыг хүндүлүг бижиктерин, сүй белектерин берген. Эмчи Чудур, чолаачы Быстан-оол Ооржактарга, хоочуннар Кара-кыс, Борбак-Хүрөң оларга тускай шаңналдарны тывыскан.

Тываның сурагыл чогоалчызы Юрий Кюнзегештиң өөнү ишти Дырбак угбай төрөөн черинге 54 чыл болгаш кээп, төрөл чону-биле ужуражып турарын, назы-хары 72 чедип чоруун дыңнадып, чогоалчының номнарын ишкинчилерге берип турарын чугаалаан.

Тываның ном үндүрер чериниң директору Ш.Куулар, Чазак төлээзи К.Куулар олар база белектерин бергеннер.

Кызыл-Тайганың чагырыкчызы Л.Ондар делгем, чырык өөн тиккеш, аалчыларны шайладып, ашкарып-чемгерген Седей угбайга, өг-бүлө туткаш, 50 чыл болган Шугуу, Орбаа Түлүштерге, аш-чем делгелгезинге тергидеэн А.Ондарга, В.Монгушка, идепкейжи Н.Сатка, Устүү-Ишкинниң мурнакчы анык малчыннарынга сүй белектерни тыпсып берген.

Улуг Хуралдың Хоойлужудулга палатазының депутаты Э.Ондар Устүү-Ишкинниң малчыннарынга сүй белектерин берип, мал-маганының баш санын ам-даа көүдөдип, төөгүлүг юбилейни төлептиг уткуурун чагаан.

Көдээ ажыл-агый эргелелиниң даргазы Ш.Д.Монгуш чоокта чаа 55 харлаанын дем-

деглээн Оюн-оол Монгушка кожуун чагырганың хүндүлел бижин база сүй белекти берген. Кара-Чыраа суму чагырганың төлээлери Устүү-Ишкинде малчыннап чоруур он ажыг өг-бүлелерге белектерни тывысканнар.

Кандыг-даа байырлалды аът чарыжы, тыва хүреш каастаар. Чайлаг-Шөлүгө база ындыг болган. Базарга — көк, эдерге — хек Чайлаг-Шөлүгө улуг аъттарын чарыжынга Туран-оолдун доралазы эртип келген. Быстан-оолдун кула ады, Хеймер-оолдун доруг ады дараалаштыр финишке келгеннер.

Анык аъттарны чарыштырарынга, Чечектигден келген М.Арын-оолдун калчан-шилгизи ушчок мурнай келген. К.Эзир-оолдун шилги ады (Суг-Аксы), К.Валераның калчан-каразы (Кара-Чыраа), Э.Саттың Кара-ой (Устүү-Ишкин), М.Монгуштуң ой ады (Кара-Чыраа) дараалаштыр келгеннер.

16 хар чедир оолдарның хүрежинге Ай-Чүрек Ховалыг шүүлген, Ай-Чүрек Ондар үжүүрлөшкен. Айдың Монгуш (Хөр-Тайга) үшкү черни алган.

Анык оолдарның хүрежинге Ачыты Монгуш (Суг-Аксы) шүүлүп үнгөн, а Семен Ондар (Кызыл-Тайга) үжүүр былаашкан. Сергек Ондар, Солдат Ховалыг үшкү, дөрткү черлерни ээлээннер.

Эрткен аъттарның ээлерин, шүүлген мөгелерни сергелер, хойлар-биле шаңнаан. Шаңналдыг черлерни алган аъттарның ээлеринге, мунукчуларынга база мөгелерге хүндүлел бижиктерни, акша шаңналын тывыскан. Тыва Республиканың Улуг Хуралының (парламентизиниң) депутаты Э.Ондар бичии оолдардан шүүлген мөгө Ай-Чүрек Ховалыгы майгын-биле шаңнаан. Анык оолдарга шүүлүп үнгөн Ачыты Монгушка арат Оюн-оол Сынан-оолович деткикчилеп хой берген. Хөр-Тайганың чагырыкчызы А.Иргит эң бичии мөгө Аяс Ооржакка деткикчилеп, бодунуң шаңналын тыпсып бергеш, Алды-Ишкинде алдарлыг чылгычы А.Түлүштүн коданынга эрттирген аът чеддээр байырлалды дугайында сонургадып чугаалааш, аңаа ТР-ниң Чазаның Даргазы Ш.Д.Ооржактын барып киришкенин онзалап демдеглээн.

Ады эрткен О.Туран-оолга, ... Быстан-оолга, шаңнаткан мөгелерге кожуун баштыңы И.Монгуш, ТР-ниң Бойдус курлавырлар эргелелиниң начальниги О.Доржу, чогаалчы Ш.Куулар база оларның дөргүл-төрели деткикчилеп, акша-төгерикти бергеннер.

Байырлалды белектеп эрттиреринге социал политика талазы-биле кожуун баштыңының ора-лакчызы Валентина Тооруклаевна Ондар, суг ажыл-агый чериниң даргазы Кара-оол Данзы-Белек, ооң бульдозеризи Болат Ондар, көдээ ажыл-агый эргелелиниң, культура килдизиниң ажилдакчылары идепкейлиг киришкенин кожуун баштыңы Иван Шыванович демдеглээш, байырлалдың киржикчилеринге төөгүлүг юбилейни төлептиг уткуурун чагып чугаалаан. Хоочун ыраажы ие Анчыкмаа Сат аян тудуп, "Малчын угбам" деп ырыны ырлап берген.

Малчыннарның байырлалы черле онзагай байдалга эрткен, бот-тывынгыр артистер солун программалыг концертин-даа бараалгатканнар.

Дайынчы ДАМБА-ХУУРАК, ВАСИЛИЙ БАЛЧИЙ-ООЛДУҢ тырттырган чуруктары.



